

Վ Ա Հ Ա Ն Ռ Շ Տ ՈՒ Ն Ի


Երկարատև հիվանդությունից հետո կյանքից հեռացավ պրոֆ. Վահան Հարությունի Ռշտունին՝ անվանի գիտնականը, սիրված դասախոսն ու հիանալի քաղաքացին։ Նա պատկանում էր հայ մտավորականների այն սերունդին, որոնց գործունեությունը սկզբնավորվեց մեծ Հոկտեմբերի նախօրյակին, բայց ծավալվեց ու զարգացավ սովետական իշխանության տարիներին։

Վ. Հ. Ռշտունին ծնվել է Վաղարշապատում, 1894 թ. փետրվարի 6-ին, Արևմտյան Հայաստանից 1880-ական թթ. գաղթած գյուղացի արհեստավորի ընտանիքում։ Նախնական կրթությունը ստանալով ընտանիքում, 1904 թ. մշտնում է Գևորգյան ճեմարան, որտեղ սովորողները ունենում էին այնպիսի քանքարավոր դասախոսների ու գիտնականների, ինչպիսիք էին Մ. Արեղյանը, Հ. Մանանգյանը, Հ. Աճառյանը և ուրիշներ։

1915 թ. ավարտելով ճեմարանը, երիտասարդ Ռշտունին անցնում է ուսուցչական աշխատանքի՝ սկզբում Թավրիզում, ապա Ախալցխայում և Սուխումում։ 1919 թ. ընդունվում է Թիֆլիսի պոլիտեխնիկական ինստիտուտի տնտեսագիտական ֆակուլտետը, որը ավարտում է 1924 թ.։ Այնուհետև նա գալիս է Երևան, անցնում դասախոսական աշխատանքի կուսակցական դպրոցում, պետական համալսարանում։ 1931—1932 ուսումնական տարում համալսարանում նա հիմնադրում է ՍՍՀՄ պատմության ամբիոնը և անփոփոխ ղեկավարում այն մինչև իր կյանքի վերջը։ Համալսարանում աշխատած տարիներին նա եղել է համալսարանի պատմության ֆակուլտետի ղեկան, ուսումնական մասի վարիչ (պրոռեկտոր), գիտական աշխատանքների սեկցիայի ղեկավար և այլն։ Վ. Հ. Ռշտունին ակտիվորեն մասնակցել է նաև հանրապետության հասարակական-քաղաքական կյանքին. երկու անգամ ընտրվել է Երևանի քաղաքային սովետի դեպուտատ և բարեխղճորեն կատարել իր պարտականությունները։

Վ. Հ. Ռշտունին ոչ միայն հմուտ մանկավարժ էր, այլև շնորհալի գիտնական։ 1938—1952 թթ. համատեղության կարգով նա աշխատում է սկզբում Արմֆանում, ապա՝ ՀՍՍՀ ԳԱ պատմության ինստիտուտում։ 1940 թ. հաջողությամբ պաշտպանում է իր թեկնածուական («Հայ հասարակական-քաղաքական հոսանքները 1861, 1865, 1870 թթ. գյուղացիական ռեֆորմի մասին»), իսկ 1941 թ. Մոսկվայում՝ ՍՍՀՄ ԳԱ պատմության ինստիտուտում՝ դոկ-

տորական դիսերտացիան («Գյուղացիական ռեֆորմը Հայաստանում 1870 թ.», 1943 թ. ստանում է պրոֆեսորի կոչում, իսկ 1956 թ. ընտրվում Հայկական ՍՍՀ ԳԱ թղթակից-անդամ։



Պրոֆ. Վ. Հ. Ռշտունին գրել է մի քանի տասնյակ գիտական հետազոտություններ և մարքս-լենինյան մեթոդոլոգիայով լուսաբանել Արևելյան Հայաստանի XIX—XX դդ. պատմության սոցիալ-տնտեսական բազմաթիվ կենսոտ հարցեր։ Նա առաջինը ուսումնասիրեց 1870 թ. գյուղացիական ռեֆորմը Հայաստանում, հողային հարաբերությունները և գյուղացիական շարժումները նախասովետական Հայաստանում և այդ մասին հրատարակեց արխիվային արժեքավոր փաստաթղթեր։ Նրա մի շարք մենագրությունները («Գյուղացիական ռեֆորմը Հայաստանում 1870 թ.», «Գյուղացիական շարժումները Հայաստանում XIX դարում», «Ցարիզմի ազդեցությունը քաղաքականությունը և գյուղացիական շարժումները Հայաստանում XX դարի սկզբին», «Ուրվագծեր Հայաստանի գյուղացիության պատմության, 1828—1957 թթ.», հատ. I և II) իրենց պատվավոր տեղը գրավեցին սովետահայ պատմագիտության մեջ։ Նա արժեքավոր աշխատություններ է գրել նաև արևելահայ հասարակական-քաղաքական հոսանքների մասին և դրանց մեծ մասը ամփոփել իր «Հայ հասարակական հոսանքների պատ-

մությունից (XIX դարի երկրորդ կես, հետե-
ֆորմյան շրջան)» ծավալուն աշխատության մեջ:

Պրոֆ. Վ. Հ. Ռշտունին զբաղվել է նաև
Անդրկովկասի պատմությամբ, լուսաբանել է
ցարիզմի գաղութային քաղաքականությունը
պատմական տարբեր շրջաններում, կապիտա-
լիզմի զարգացման խնդիրները և անդրկովկաս-
յան ժողովուրդների համատեղ պայքարը հա-
նուն իրենց սոցիալական ու ազգային աղատա-
գրման: Նա ակտիվորեն մասնակցել է նաև հայ
ժողովրդի պատմության դպրոցական դասա-
գրքերի ու Հայկական ՍՍՀ ԳԱ պատմության
ինստիտուտի կողմից պատրաստվող հայ ժո-
ղովրդի պատմության բազմահատորյակի ստեղծ-
մանը: Ըր գիտական եզրակացությունները սա-
կատարում էր փաստերն ու երևույթները բա-
րեխղճորեն ուսումնասիրելուց հետո և հետևո-
ղականորեն պաշտպանում դրանք:

Պրոֆ. Ռշտունին թարգմանել է Վ. Ի. Լե-
նինի մի շարք աշխատություններ և պրոպա-
գանդել հայ ընթերցող հասարակության մեջ:

Վաստակաշատ գիտնականը մեծ ծառայու-
թյուն ունի պատմաբան կադրերի պատրաստ-
ման և աճեցման գործում: Նա ղեկավարել է
տասնյակ ասպիրանտների, որոնք, պաշտպանե-

լով թեկնածուական ու դոկտորական դիսերտա-
ցիաներ, հաջողությամբ աշխատում են հանրա-
պետության ղանազան բուհերում ու գիտական
հաստատություններում: Նա վերին աստիճանի
ուշադիր էր իր սաների նկատմամբ, հոգատա-
րությունը զուգակցում էր պահանջկոտությանը
և իր ազնվությամբ ու անաչառությամբ վայե-
լում մեծ հարգանք ու հեղինակություն:

Կոմունիստական կուսակցությունը, սովե-
տական կառավարությունը բարձր են գնահա-
տել պրոֆ. Վ. Հ. Ռշտունու ծառայությունները:
1946 թ. նրան շնորհվել է գիտության վաստա-
կավոր գործչի պատվավոր կոչում, նույն-
թվականին նա պարգևատրվել է «Կովկասի
պաշտպանության համար» և «Աշխատանքային
արիության համար» մեդալներով, իսկ 1953 թ.
Լենինի շքանշանով:

Անվանի գիտնականը անգամ հիվանդու-
թյան ժամանակ շարունակում էր իր աշխա-
տանքները: Նա ուզում էր դրել «Ուրվագծերի»
երրորդ և «Հասարակական հոսանքների» երկ-
րորդ հատորները ու այդպիսով ամբողջացնել իր
հետազոտությունները:

Ա. ՀԱՄԲԱՐՅԱՆ